

Las elecziuns communalas dals 22 da settember 2024 – program da la Verda Ostermundigen

Nossas candidaturas per il cussegl communal (Grosser Gemeinderat) e per la suprastanza communal (Gemeinderat) stattan sut il motto «ecologic – solidaric – participativ».

Ecologic

Suenter l'approvaziun da nossa moziun «protecziun dal clima sco tema transversal»¹ che pretenda tranter auter il label d'aur da Citad d'energia fin il 2028, dovri mesiras concretas per proteger il clima e la biodiversitad:

En connex cun il traffic na vulain nus betg mo remplazzar il benzin cun l'electricitad, mabain era far pli attractiva la mobilitad da pedunas e peduns, il traffic da velos ed il traffic public e mussar lur avantatgs. La vischnanca duai p.ex. sensibilisar la giuventetgna cun contribuziuns per abunaments da Libero²/l'abunament general³ (per in onn) u la cumpra d'in velo. Dasper la lingia 10 vulain nus schlargiar las colliaziuns dal traffic public. Per evitar traffic ans engaschain nus per ciclus economics locals e cunter ils plans d'amplifitgar l'autostrada⁴ enturn Berna. Qua tras na vegn la mobilitad betg mo pli ecologica, mabain era pli sanadaivla e quieta.

Ils stgauraments d'iel e da gas ston vegnir remplazzads pli svelts e l'isolaziun sto vegnir meglierada era tar bajetgs existents. Cun far quai na dastgan ils tschains betg crescher pli ferm che quai ch'ils custs accessorics sa sbassan. Il material da construcziun duai vegnir reutilisà, sche pussibel al lieu. La construcziun da systems solars sto vegnir promovida.

Per far frunt ad inslas da chalur dovri dapli plantas e surfatschas verdas e pli pauc asphalt. Surfatschas existentas che n'èn anc betg surbajegiadas, p.ex. Rörswil⁵, ston vegnir protegidas e cultivadas uschia che la qualitad dal terren e la biodiversitad profiteschan.

Solidaric

Per dar sin plaun communal cunterpais als custs da viver creschents vulain nus tranter auter sustegnair il spazi d'abitar betg orientà al profit cun porscher reducziuns sin il tschains dal dretg da construcziun⁶, sco p.ex. gia capità en il rom dal project da la rundella da vieuta dal tram⁷ al Rütieweg.

Purschidas socialas existentas sco il program da la promoziun tempriva schritt:weise⁸ duain esser accessiblas senza ina glista da spetga ed ils puncts da partenza custavels dal maletg directiv da la societad dad Ostermundigen⁹ duain vegnir realisads sveltamain. Nus pretendain en spezial ina purschida per tgirar uffants era durant las vacanzas e bons per furmaziuns supplementaras, p.ex. per promover la sanadad e per emprender tudestg.

¹ https://www.ostermundigen.ch/wAssets/docs/politik-verwaltung/politik/grosser-gemeinderat/archiv/2020/september/T327_upMotion.pdf

² <https://www.mylibero.ch/de/abos>

³ <https://www.sbb.ch/de/billette-angebote/abos/ga.html>

⁴ <https://spurwechsel-bern.ch/uebersicht-ausbauprojekte/>

⁵ <https://s.geo.admin.ch/z0k7sk0k43bx>

<https://www.ostermundigen.ch/de/aktuelles-projekte/aktuelles/meldungen/Medienmitteilung-Regionaler-Fussballcampus-Roerswil-als-Loesung-fuer-den-grossen-Mangel-an-Fussballplaetzen-in-der-Region-Bern.php>

⁶ <https://www.bwo.admin.ch/bwo/de/home/wohnraumfoerderung/baurechte.html>

⁷ <https://tram-bern-ostermundigen.ch/das-projekt/haltestellen/endhaltestelleoberfeld/>

⁸ https://www.ostermundigen.ch/de/verwaltung/dienstleistungen/159_programm-schritt:weise

⁹ <https://www.ostermundigen.ch/de/aktuelles-projekte/aktuelles/meldungen/LeitbildGesellschaft.php>

Il persunal da la vischnanca dad Ostermundigen lavura a moda fitg effizienta sco cumparegliaziuns cun autras vischnancas han mussà. Qua fissi deplazzà da spargnar.

Per acquistar bains e prestaziuns da servetsch duai Ostermundigen definir criteris ecologics e metter en il center cundiziuns da lavur umanas.



Participativ

Tut las personas che vivan ad Ostermundigen duain avair la pussaivladad da sa participar, p.ex cun ina moziun da participaziun¹⁰ tenor il model da Berna.

Ad Ostermundigen dovri dapli lieus d'inscunter senza in sforz da consumar sco il local cultural autonom Tell u las hallas da gimnastica avertas per scolar:as. Nus proponin p.ex. stanzas per bands e stanzas per zambregiar e reparar cun accumpagnament a temp parzial p.ex. per lavurar cun textilas e lain. Per sustegnair projects da voluntarias e voluntaris avain nus inoltrà ina moziun per in budget participativ¹¹. Sco il spazi public duain questas purschidas er esser accessiblas a tuttas e tuts, p.ex. er a personas en sutgas cun rodas, personas cun impediments da la vesida, geniturs ed en spezial mammas cun uffants pitschens.

Avais Vus commentaris u dumondas? Ans contactai p.ex. al stan da la Verda al Mundige-Fescht¹² sonda, ils 31 d'avust, u via info@gruene-ostermundigen.ch. Nus avain laschè translatar quest text, ma en scrit chapin nus in zic rumantsch.







Nossas candidatas e noss candidats:

Las topcandidatas ed ils topcandidats	
	<p>Adrian Tanner</p> <p>1987, MA interpretaziun da conferenzas FTI Geneva, translatur</p>
	<p>Kathrin Ernst</p> <p>1991, manadra da projects dal traffic public, BSc electrotecnica SPFL</p>

¹⁰ <https://www.bern.ch/themen/stadt-recht-und-politik/mitreden-und-mitgestalten/partizipationsmotion>

¹¹ https://www.ostermundigen.ch/wAssets/docs/politik-verwaltung/politik/grosser-gemeinderat/archiv/2024/September/T295.0_MotionBudget.pdf

¹² <https://www.mundige-fescht.ch/>

		<p>Samuel A.J. Augustiny</p> <p>1989, MSc mecanica, manader da projects inschigneria da construcziun</p>
		<p>Christian Burr</p> <p>1974, docent BFH, tgirunz diplomà e scienzià da la tgira</p>
<p>Ulteriuras candidatas ed ulteriurs candidats per il cussegl communal</p>		
		<p>Natascha Neumeister</p> <p>1968, media da chasa</p>
		<p>Emanuel Indermühle</p> <p>1980, informaticher, architect da software</p>
		<p>Folco Giacomini</p> <p>1973, geolog</p>
		<p>Thomas Feider</p> <p>1990, architect SPF</p>